



Broj: 16-12-16-2-1873-~~18~~18
I. Sarajevo, ~~03.04.~~ 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2018. godini broj 16-12-16-2-1873/16 od 28.03.2018. godine, u postupku javne nabavke usluga produženja licence za potrebe Državne agencije za istrage i zaštitu, direktor Državne agencije za istrage i zaštitu, **d o n o s i**

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku usluga produženja licenci za potrebe Državne agencije za istrage i zaštitu

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2018. godini broj 16-12-16-2-1873/18 od 28.03.2018. godine i ugovor za javnu nabavku usluga produženja licenci za potrebe Državne agencije za istrage i zaštitu, dodijeljuje i to za:

LOT 1 Nabavku usluge produženja važnosti jedne licence za forenzički program za vještačenje mobilnih telefona Cellebrite UFED 4PC Ultimate, ponuđaču „SHOT“ d.o.o. Zenica za ponuđenu cijenu od 6.200,00 KM bez uračunatog PDV-a;

LOT 2 Nabavku usluge produženje važnosti jedne licence za forenzički program za analizu mobilnih telefona Microsystemation, XRY-XACT system bundle, ponuđaču „SHOT“ d.o.o. Zenica za ponuđenu cijenu od 7.250,00 KM bez uračunatog PDV-a;

LOT 3 Nabavku usluga produženja važnosti tri licence za mrežni uređaj Fortinet FG200D (zelena mreža), fortinet FG100D (crvena mreža) i forigate FG60D (OTN), ponuđaču "KING ICT" d.o.o. Sarajevo za ponuđenu cijenu od 12.788,00 KM bez uračunatog PDV-a i

LOT 4 Nabavku usluga produženja važnosti dvije Mail security licence; licence SNTC-24X7X4 ESA C190 Email Security Appliance with S i licence Premium SW bundle (AS+AV+OF+ENC+DLP) 1YR Lic. 200-499 Users, te jedne AMP licence Email Advanced Malware Protection 1YR Lic. Key 200-499 Users, ponuđaču, "KING ICT" d.o.o. Sarajevo za ponuđenu cijenu od 20.455,00 KM bez uračunatog PDV-a;

Član 2.

(1) Ponuđači „SHOT“ d.o.o. Zenica i "KING ICT" d.o.o. Sarajevo obavezni su ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđači su obavezni dostaviti ugovornom organu u roku od pet dana od dana prijema ove odluke.

Član 3.

Prijedlog ugovora o kupoprodaji dostavit će se na potpis izabranim ponuđačima, po proteku roka od 10 dana.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-1873-1/18 od 05.03.2018. godine, pokrenut je postupak javne nabavke usluga; LOT 1 produženja važnosti jedne licence za forenzički program za vještačenje mobilnih telefona Cellebrite UFED 4PC Ultimate za potrebe Agencije, procijenjene vrijednosti 5.812,00 KM bez uračunatog PDV-a; LOT 2 produženje važnosti jedne licence za forenzički program za analizu mobilnih telefona Microsystemation, XRY-XACT system bundle procijenjene vrijednosti 7.265,00 KM bez uračunatog PDV-a; LOT 3 produženja važnosti tri licence za mrežni uređaj Fortinet FG200D (zelena mreža), fortinet FG100D (crvena mreža) i forigate FG60D (OTN) procijenjene vrijednosti 12.821,00 KM bez uračunatog PDV-a; LOT 4 produženja važnosti dvije Mail security licence i jedne AMP licence procijenjene vrijednosti 20.513,00 KM bez uračunatog PDV-a i LOT 5 produženja važnosti jedne VEEM licence procijenjene vrijednosti 2.137,00 KM bez uračunatog PDV-a. Postupak javne nabavke proveden je putem konkurentskog zahtjeva, za koji je obavještenje o javnoj nabavci objavljeno na portalu javnih nabavki broj 1161-7-2-92/18 od 09.03.2018. godine, za šta su novčana sredstva predviđena u okviru budžetskih sredstava za 2018. godinu.

Komisija II za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-1873/18 od 28.03.2018. godine sa preporukom o izboru najpovoljnijeg ponuđača u postupku javne nabavke usluga produženja licenci za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 22.03.2018. godine do 13,00 sati, te da se ponude dostavljaju u zatvorenoj koverti, Komisija je dana 22.03.2018. godine u 14,00 sati izvršila javno otvaranje ponude.

Blagovremeno su dostavljene tri ponude i to:

Redni broj	Naziv ponuđača	Vrijednost ponude (bez PDV-a)	
1.	"KING ICT" d.o.o. Sarajevo	LOT 3	12.788,00 KM
		LOT 4	20.455,00 KM
2.	"INFONET" d.o.o. Tuzla	LOT 3	12.289,00 KM
3.	"SHOT" d.o.o. Zenica	LOT 1	6.200,00 KM
		LOT 2	7.250,00 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „KING ICT“ d.o.o. Sarajevo i „SHOT“ d.o.o. Zenica ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti te ekonomske i finansijske sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Konkurentskom zahtjevu.

Dalje, Komisija je uvidom u dostavljenu ponudu ponuđača „INFONET“ d.o.o. Tuzla utvrdila da isti ne ispunjava kvalifikacione uslove iz tačke 3.1.3 Konkurentskog zahtjeva jer nije dostavio Potvrdu- Izvještaj o računima pravne osobe iz Jedinstvenog registra transakcijskih računa u Bosni i Hercegovini, izdatu od Centralne banke Bosne i Hercegovine ili potvrdu izdatu od strane poslovne - komercijalne banke certificirane za izdavanje takvih potvrda na obrascu Centralne banke Bosne i Hercegovine, da računi ponuđača nisu blokirani ili ekvivalentan dokumenat ako se radi o ponuđačima iz inostranstva.

Nakon pregledanja dokumentacije priložene uz dostavljene ponude, Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva, konstatirajući da ponude ne podliježu primjeni preferencijalnog tretmana domaćeg, te je sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	Naziv ponuđača	Vrijednost ponude (bez PDV-a)	
1.	„SHOT“ d.o.o. Zenica	LOT 1	6.200,00 KM
		LOT 2	7.250,00 KM
2.	„KING ICT“ d.o.o. Sarajevo	LOT 3	12.788,00 KM
		LOT 4	20.455,00 KM

Nakon sačinjavanja rang liste ocijenjenih ponuda Komisija je konstatovala da ukupna ponuda najpovoljnijeg ponuđača „SHOT“ d.o.o. Zenica za LOT 1 u iznosu od 6.200,00 KM bez uračunatog PDV-a, premašuje procijenjenu vrijednost nabavke za 388,00 KM.

Komisija je aktom broj 16-12-16-2-1873- /18 od 27.03.2018. godine od strane Sektora za materijalno-finansijske poslove, tražila mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove aktom od 28.03.2017. godine, dostavio je Komisiji informaciju da prekoračenje nije značajno i da u budžetu za 2018. godinu postoje dodatna sredstva te da se sa finansijskog aspekta mogu prihvatiti dostavljene ponude.

Nakon provednog postupka ocjenjivanja dostavljenih ponuda, Komisija je utvrdila da je ponuda ponuđača „SHOT“ d.o.o. Zenica ocijenjena kao najpovoljnija za LOT 1 i LOT 2 i da ne podliježe primjeni preferencijalnog tretmana domaćeg, dok je ponuda ponuđača „KING ICT“ d.o.o. Sarajevo ocijenjena kao najpovoljnija za LOT 3 i LOT 4 i da ne podliježe primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno je da se ugovor u postupku javne nabavke usluga produženja licence za potrebe Agencije, dodijeli ponuđačima; „SHOT“ d.o.o. Zenica i „KING ICT“ d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x,
- Sektoru za mat.-fin. poslove,
- a/a.

